

永清縣志

卷之四  
34  
部



乾隆己亥重修

永濟縣志

順天府南路廳永清縣知縣周震榮謹稟

憲臺鈞座竊

卑職

于乾隆四十二年六月內據本縣舉貢生員

劉格等二十人聯名具呈請修縣志業經通稟

各憲均蒙批飭允行在案

卑職

當卽延儒啟局依次纂修訖今

全志告成遵例先繕稿本呈送

憲鑒俯俟核定飭發下縣以便開雕伏念四方輯志外史專官

五事登書行人本業筆削越昭自古制度猶烈于今我

皇上稽古爲功同文稱治典籍舊守于

冊府緘滕近發于名山典通三代史統

五朝而通典通志通考之成規續兼乎補內有統志外有省志而府

志州志縣志之纂輯偏會于全溯委窮源義實備于六十官

之教典徵文考獻意誠本于百廿國之寶書雖云下邑圖經

永清縣志

稟帖

要在職方掌故乃舊錄部于地里旣失專官後人纂若類書

難稱惇史道存彰闡敢拘形迹之粗肯貴別裁又無畫一之

式顧名思義實懼且慚永清密邇

神京地編赤縣名從唐立界自宋分沿革紛挐事名隱顯舊志

荒落史傳牴牾自順治戊戌之年訖乾隆己亥之歲年逾百

二人隔高曾見聞旣少搜羅名蹟半多附會若不及時撰輯

何以傳信來茲用當簿書之餘適逢紳士之請延儒啟局考

事徵文體例釐分綱條粗舉自乾隆四十二年六月開館訖

乾隆四十四年四月成書謹將編次二紀三表三圖六書政

畧一十列傳共二十五篇爲永清志稿裝潢三冊恭呈

憲鑒其記傳詩文取其有關縣事者別爲文徵五卷自爲一書

附志而行緣是全取舊文並無新著故不及重錄俟刻本告

成一體呈送合併聲明惟是卑職才愧刻息學慚製錦文詞  
猥陋編次疎蕪伏乞

憲臺退食之餘俯賜筆削則芻蕘未議得登大雅之堂璣屑微  
言悉入陶鈞之化矣永清幸甚志事幸甚謹稟

右稟

經筵日講起居注官協辦大學士戶部尚書署直隸總督兼理糧餉河道英廉

欽命工部右侍郎提督順天等處地方學政汪廷璜

刑部左侍郎管理順天府府尹事務胡季堂

順天府府尹吳名

順天府府丞提督學政劉名

直隸等處承宣布政使司布政使單名

直隸等處提刑按察使司按察使達名

永清縣志 稟帖

二

分巡霸昌道兼理屯田驛傳糧餉熊名

順天府南路捕盜兼河間府同知分轄霸保之大固永東六八州縣事務李名

乾隆四十四年四月

日

乾隆四十四年重修永清縣志在事諸人姓氏

監修

欽命工部右侍郎提督順天等處學政加三級汪廷瓊江南歙縣人 戊辰進士

主修

永清縣知縣周震榮浙江嘉善人 王申舉人

同事

永清縣儒學教諭劉瑛直隸平山人 庚寅舉人

永清縣儒學訓導宋宗葵奉天遼陽州人 生員教習

纂修

候補國子監典籍章學誠浙江會稽人 戊戌進士

首事

己卯科舉人劉格本縣人

永清縣志 修志姓氏 一

保舉孝廉方正生員賈澎本縣人

增貢生李輝祖本縣人

廩廩生劉錡本縣人

廩廩生朱淳本縣人

辛卯科武舉賈慶檀本縣人

武武生賈慶棣本縣人

庚寅科舉人張曰哲本縣人

廩廩生牛雲焯本縣人

廩廩生何廷弼本縣人

生員尹大年本縣人

校對

監生 王臨清本縣人

收享 員劉錫爵本縣人

廩生 趙傑功本縣人

候選州吏 目邢天祚本縣人

生 員張易本縣人

督梓

永清縣典史 胡繩武浙江會稽人

典事

候選儒學訓導石琴 歲貢生龔碩或

附貢生 朱澄 朱坦

廩生 王廷和 王名儒

永清縣志 修志姓氏

二

生員 郝奇偉 武良楫 劉步瀛 王廷柱 趙秉亨

王法齡 朱士彥 陳詩 杜涪 劉棟 竇之翰

孟廷樞 李逢泰 王成名 張格 張輔世 劉甘棠

武生 孫國林 李英 高翰儒 張悅 解琰

傅友德 南景淑 段運昌以上俱本縣人

刷卷

候補河東河工吏 目戴英山浙江蕭山人

吏 房書 吏劉揚本縣人

戶田科書 吏馬隆吉浙江陰人

戶租科書 吏傅琳浙江陰人

戶倉科書 吏余炳浙江陰人

庫房書 吏章存義本縣人

禮 房 書 吏張楷 本縣人

兵 房 書 吏宋偉業 浙江山陰人

刑 房 書 吏張克家 本縣人

工 房 書 吏朱燦 浙江山陰人

膳錄

刑 房 書 吏章玉麟 浙江會稽人

兵 房 書 吏魏太平 浙江山陰人

倉 房 書 吏章應鳳 浙江會稽人

倉 房 書 吏段希聖 本縣人

繪圖

工 房 書 吏周文煥 浙江山陰人

書 工 劉永 本縣人

永清縣志 修志姓氏 三

刻字

刻 工穆雄如 江南江寧人

刻 工姚得符 江南江寧人

刻 工唐彥儒 順天宛平人

經承

戶 田 科 書 吏馬隆吉 浙江山陰人

嘉慶十八年三月永清縣知縣宋齊連補刊

承辦典史 王溱

督梓吏房 書 吏劉揚

衛書 張大鵬

重刻人 翰耀齋 鄧湧泉 江南江寧人

吳耀宗 江南江寧人

永清縣志目錄

紀二

表三

圖三

書六

政畧一

列傳十

凡二十五篇

紀二

皇言紀第一

恩澤紀第二

表三

永清縣志目錄

職官表第一

選舉表第二

士族表第三

圖三

輿地圖第一

建置圖第二

水道圖第三

書六

吏書第一

戶書第二

禮書第三

兵書第四

刑書第五

工書第六

政畧一

列傳十

龍敏列傳第一

史天倪列傳第二

史天安史天祥列傳第三

史天澤列傳第四

杜時昇張思忠郝彬列傳第五

諸賈二張劉梁列傳第六

義門列傳第七

列女列傳第八

永清縣志

目錄

二

闕訪列傳第九

前志列傳第十

臣震榮謹案史之有紀肇于呂氏春秋十二月紀漢臣司馬遷以載述帝王行事冠冕百三十篇蓋春秋之舊法也厥後二十一家述相祖述體肅例嚴有如律令而方州之志則多惑於地理類書之例不聞有所遵循是則振衣而不知挈領詳目而不能舉綱宜其散漫無章而失國史要刪之義矣夫古者封建之世列國自有史書然正月必係周王魯史必稱周典韓宣子見魯史春秋以謂周禮盡在于魯是也蓋著承稟所由始也後世郡縣雖在萬里之外制如古者畿甸之法乃其分門次類畧無規矩章程豈有當于周官外史之義歟周官外史掌四名於四方此見列國之書不得自擅必稟外史一成之例也此則撰志諸家不明史學之過也

臣謹按呂氏十二月令但名為紀而漢臣司馬遷班固之徒則稱本紀原其稱本之義司馬遷意在紹法春秋顧左氏公穀專家各

永清縣志

皇言紀第一

一

為之傳而遷則一人之書更著書表列傳以為之緯故加紀以本而明其紀之為經耳其定名則倣世本之舊稱班固不達其意遂併十志而題為本志然則表傳之不加本稱者特以表稱年表傳稱列傳與本紀俱以二字定名惟志止是單名故強配其數而不知其有害於經紀緯傳之義也古人配字雖重往往有之如七畧之方稱經方淮南子論稱書論之類不一而足惟無害于文義乃可為之耳至於例以義起方志撰紀以為一書之經當矣如亦從史而稱本紀則名實混淆非所以尊嚴國史之義也且如後世文人所著詩文有關當代人君行事其文本非紀體而亦稱恭紀以致尊崇於義固無害也若稱本紀則無是理矣是則方志所謂紀者臨本書之表傳則體為經對國史之本紀則又為緯矣是以著紀而不得稱本焉

臣謹按遷固而下本紀雖法春秋而中載詔誥號令又雜尚書之體至宋臣歐陽脩撰新唐書始用大書之法筆削謹嚴乃出遷固

之上。此則可謂善于師春秋者矣。至於方志撰紀所以備外史之拾遺存一方之祇奉。所謂循堂楹而測太陽之照處。隔隙而窺天光之通期。於慎輯詳誌。無所取於春秋書事之例也。是以恭錄皇言冠于首簡。與史家之例互相經緯。不可執一例以相拘焉。

臣謹按大哉王言。出於尚書。王言如絲。出於禮記。蓋三代天子稱王。所以天子之言稱王言也。後世以王言承用。據為典故。而不知三代以後。王亦人臣之爵。凡稱天子詔誥。亦為王言。此則拘於泥古。未見其能從時者也。夫尚書之文。臣子自稱為朕所言。亦可稱誥。後世尊稱既定于一。則文辭必當名實相符。豈得拘執古例。不知更易。是以易王言之舊文。稱

皇言之鴻號。庶幾事從其實。而名實不淆。

臣謹按勅天之歌。載於謨典。而後史本紀。惟錄詔誥。蓋詩歌抒發

永清縣志 皇言紀第一 二

性情。而詔誥施于政事。故史部所收。各有當也。至於方志之體。義在崇奉所尊。於例不當別擇。前總督臣李衛所修畿輔通志。首列詔諭

宸章二門。於義較為允協。至永清一縣。密邇畿南。固無

特頒詔諭。若牽連諸府州縣。及統該直隸全部。則當載入通志。又不得以永清亦在其內。遂目錄以入書。如有

恩賜蠲逋賑恤。則事實恭登

恩澤之紀。而

詔諭所該者廣。是亦未敢越界而書。惟是

覃恩愷澤。褒贈賚封。固家乘之光輝。亦邑書之弁冕。是以輯而紀之。御製詩章。止有水窖一篇。不能分置卷帙。恭錄

詔諭之後。以志雲漢光華云爾。

工部屯田清吏司主事劉澍

奉

天承運

皇帝制曰錫類推恩朝廷之大典分猷亮采臣子之常經爾工部屯田清吏司主事劉澍才堪任用力可分猷庶事咸賴以馳驅小心克彰於夙夜慶典欣逢新綸用沛茲以覃恩授爾爲承德郎錫之勅命於戲弘敷章服之榮用勵靖共之誼欽茲寵命懋乃嘉猷

制曰恪共奉職良臣旣殫厥心貞順宜淑女爰從其貴爾工部屯田清吏司主事劉澍妻高氏含章協德令儀夙著於閨闈匪勉同心內治相成於夙夜茲以覃恩封爾爲安人於戲龍章載煥用褒敬戒之勤翟弗欽承益勵柔嘉之則

勅命之寶

永清縣志

身言紀第一

三

工部屯田清吏司主事劉澍之父母

奉

天承運

皇帝制曰資父事君臣子篤匪躬之誼作忠以孝國家弘錫類之恩爾劉鍊乃工部屯田清吏司主事劉澍之父善積於身祥開厥後教子著義方之訓傳家裕堂構之遺茲以覃恩贈爾爲承德郎工部屯田司主事錫之勅命於戲殊榮必逮於所親寵命用光夫有子承茲優渥永其忠勤

制曰人臣報本之恩不殊於先後國家錫類之典無間於存亡爾工部屯田清吏司主事劉澍前母趙氏修厥壺儆衍爲家慶念子情之艱替宜母德之載彰茲以覃恩贈爾爲安人於戲采綯華綸流鴻麻於奕業樂施冥漠表景祐於松楸

制曰奉職在躬嘉教勞之有自推恩將母宜錫典之攸隆爾工部屯田清吏司主事劉澍母孟氏壺範宜家夙協承筐之媿母儀貽穀載昭晝荻之芳茲以覃恩贈爾爲安人於戲淑德不瑕式榮象服膺龍命之有赫永賁泉壤

初任武學教授二任國子監博士三任工部屯田司主事四任本部虞衡司員外五任都水司郎中六任江南安廬等處兵備道按察司僉事七任陝西漢中府等處兵備道按察司副使八任河南專管通官河道左叅議

順治二年八月二十日

兵科副理官張學禮之父母

奉

天承運

皇帝制曰揚名顯親爲子者願以令德歸之父考績褒賢教孝者宜以高爵作之忠自用推恩特申休命爾張一成乃兵科副理官加

永清縣志

皇言紀第一

四

一級張學禮之父義方有訓式穀無慚念爾嗣之勤勞旣克家而報國俾爾澤之昌大爰錫類以昭仁茲以覃恩贈爾爲通議大夫兵科副理官加一級錫之誥命於戲教誨爾子永勿忝於家聲聿修厥德尚無負於國恩欽承寵命慰爾幽靈

制曰國體勞臣必遡源而沛澤家崇詰屑爰歸善於厥生盛典維新壺儀愈著爾兵科副理官加一級張學禮母常氏幃範克端胎教居身教之先慈訓維勤能愛在能勞之後宜沛地封用昭母德茲以覃恩贈爾爲淑人於戲子情罔極感顧復而敦孝國綸普被念劬勞以疏榮嘉乃恩勤褒其遺範

制曰教育之恩不殊已出褒崇之典并追繼闕休命式頒令儀用著爾兵科副理官加一級張學禮繼母李氏母教維勤壺儀不忝毛裏無殊於罔極劬勞誼等於所生允協前徽宜申寵命茲以覃恩

封爾爲太淑人於戲孝恩不匱固人子之榮親內則無忝賴母儀而訓後嘉爾淑貞永膺綸綍

順治十四年三月初十日

陝西興武營中軍守備盧成儒之父母

奉

天承運

皇帝制曰寵綏國爵式嘉闕闕之勞蔚起門風用表庭闈之訓爾盧振邦陝西興武營中軍守備盧成儒之父義方啟後毅以光前積善在躬樹良型於弓冶克家有子拓令業於黼鈐茲以覃恩贈爾爲明威將軍陝西興武營中軍守備錫之誥命於戲錫策府之徽章洵承恩澤荷天家之休命永膺永耀

制曰怡恃同恩人子勤思於將母起趨著績王朝錫類以榮親爾陝

永清縣志

皇言紀第一

五

西興武營中軍守備盧成儒之母鄭氏七誠嫻明三遷勤篤令儀不忒早流珩瑀之聲茲教有成果見干城之器茲以覃恩封爾爲恭人於戲錫龍綸而煥采用答劬勞被象服以承休永膺光寵康熙四十二年三月十八日

陝西興武營中軍守備盧成儒并妻繼室

奉

天承運

皇帝制曰區區軍屯兵食事關大計賢勞王事人臣實有常經爾陝西興武營中軍守備盧成儒展力戎旃留心武備伍符尺籍能備簡閱之規說粟飛芻具展精勤之績克彰前効用沛殊施茲以覃恩特授爾明威將軍錫之誥命於戲無忘介冑之勞祇承異渥式荷絲綸之寵益有新猷初任今職

制曰策府疏勲甄武臣之茂績寢門治業闡賢助之徽音爾陝西興武營中軍守脩盧成儒之妻王氏毓質名閨作嬪右族擢蘋采藻夙彰宜室之風說禮敦詩具見同心之雅茲以覃恩贈爾爲恭人於戲錫寵章於閨闈惠問常流荷嘉獎於絲綸永賁幽光

制曰澤沛丹宸式獎赴桓之績恩流彤管載揚淑慎之風爾陝西興武營中軍守脩盧成儒之繼妻王氏姆教素嫻婦功克備相言雍肅庇內外以同心閨範修明絜後先而媲美茲以覃恩封爾爲恭人於戲表宜家之有則寵命均頒嘉繼室之能賢休光永芳

康熙四十二年三月十八日

直隸保定府高陽縣訓導張如載之父母

奉

天承運

永清縣志

皇言紀第一

六

皇帝制曰任使需才稱職志在官之美馳驅奏效報功膺錫類之仁爾張珮乃直隸保定府高陽縣訓導張如載之父雅尚素風長迎善氣弓冶克勤于庭訓箕裘丕裕夫家聲茲以覃恩賜贈爾爲修職佐郎直隸保定府高陽縣訓導錫之勅命於戲肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾直隸保定府高陽縣訓導張如載之母章氏淑範宜家令儀昌後早相夫而教子俾移孝以作忠茲以覃恩賜贈爾爲八品孺人於戲賁象服之端嚴誕膺鉅典錫寵章之渙汗永播徽音

乾隆二十六年十一月二十日

永定河南岸千總高進孝之祖父母

奉

天承運

皇帝制曰策勲疆圉迺大父之恩勸錫賚絲綸表皇朝之需澤爾高  
崙乃直隸永定河營南岸千總高進孝之祖父敬以持躬忠能啟  
後威宣閩外家傳韜略之書澤沛天邊國有旂常之典茲以覃恩  
馳贈爾爲武信佐郎直隸永定河營南岸千總錫之勅命於戲我  
武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾張氏乃  
直隸永定河營南岸千總高進孝之祖母壺儀足式令問儼昭振  
劍珮之家聲輝流奕世播絲綸之國典慶衍再傳茲以覃恩馳贈  
爾爲安人於戲翟弗用光膺宏休於天闕龍章載煥錫大惠於重  
泉

乾隆三十六年十一月二十五日

永清縣志

皇言紀第一

七

永定河南岸千總高進孝之父母  
奉

天承運

皇帝制曰寵綏國爵式嘉闕閔之勞蔚起門風用表庭闈之訓爾高  
守福乃直隸永定河營南岸千總高進孝之父義方啟後發似光  
前積善在躬樹良型於弓冶克家有子拓令緒於韜鈴茲以覃恩  
封爾爲武信佐郎直隸永定河營南岸千總錫之勅命於戲錫策  
府之徽章淳承恩澤荷天家之庥命永耀門閭

制曰怙恃同恩人子勤思於將母起桓著績王朝錫類以榮爾朱  
氏乃直隸永定河營南岸千總高進孝之母七誠嫺明三遷勤篤  
令儀不忒早流瓊瑀之聲慈教有成果見干城之器茲以覃恩贈  
爾爲安人於戲錫寵綸而煥采用答劬勞被象服以承庥永光泉

壤

乾隆三十六年十一月二十五日

直隸南運河營連鎮汎把總劉悅之祖父母  
奉

天承運

皇帝制曰策勲疆圉迺大父之恩勤錫賚絲綸表皇朝之需澤爾劉起祥乃直隸南運河營連鎮汎把總劉悅之祖父敬以持躬忠能啟後威宣閭外家傳韜略之書澤沛天邊國有旂常之典茲以覃恩賜爾爲奮武郎直隸南運河營連鎮汎把總錫之勅命於戲我武維揚特起孫枝之秀賞延於世益徵遺緒之長

制

曰樹豐功於行陣業著聞孫錫介福於庭幃恩推大母爾萬氏乃直隸南運河營連鎮汎把總劉悅之祖母壺儀足式令問攸昭振

永清縣志

皇言紀第一

八

劍珮之家聲輝流奕世播絲綸之國典慶行再傳茲以覃恩賜爾爲孺人於戲翟弗用光膺宏庥於天闕龍章載煥錫大惠於重泉

乾隆三十六年十一月二十五日

直隸南運河營連鎮汎把總劉悅之父母  
奉

天承運

皇帝制曰寵綬國爵式嘉闕闕之勞蔚起門風用表庭闈之訓爾劉雲祿乃直隸南運河營連鎮汎把總劉悅之父義方啟後毅似光前積善在躬樹良型於弓冶克家有子拓令緒於韜鈴茲以覃恩封爾爲奮武郎直隸南運河營連鎮汎把總錫之勅命於戲錫策府之徽章洵承恩澤荷天家之殊命永耀門閭